

東華續錄

乾隆四十六

臣王先謙敬編

臣周潤綸恭校

秋七月辛卯朔劉統勳等審訊郭一裕與恆文商量貢金一摺
恆文身為總督乃借貢獻爲名縱其慾壑見據查出贓私纍纍應
俟各案審明按律治罪至郭一裕先以貢金懇懇恆文並呈示式
樣後見闔省喧傳乃先發制人冀立身於不敗迹其所供行險取
巧情狀一一畢露伊本屬小器前於山東巡撫任內陛見時曾面
奏臣家計本足自給且久歷外任願進銀一萬兩爲工程之用朕
聽之駭然深斥責其非因一時未得其人未卽更易今觀其先購
金置鑪備進其病根深錮是以隨處發露耳且其購金亦委之司
道卽云照數發價而以司道大員供督撫私役闔省趨風成何政

體國家設官分職之義固如是乎郭一裕深負封疆之寄著解任
來京候旨外人無知者或謂恆文係滿洲郭一裕以漢人參奏滿
洲是以兩敗俱傷此則鄙謬大不知朕心朕自登極以來滿漢從
無歧視此案審定時必辦理至公全當允愜其心況從前 皇祖
時張伯行糾劾噶禮經大臣審訊誣坐張伯行 皇祖察知其實
重治噶禮之罪而張伯行任用如故此家法也但郭一裕爲人非
張伯行比耳至納世通沈嘉徵身居藩臬原許其具摺奏事遇督
撫有此等事卽應據實陳奏乃龍匿不以聞惟事迎合上司毫不
知愧何以爲屬僚表率納世通沈嘉徵著交部嚴加議處具奏尋
議上得旨納世通沈嘉徵俱照部議革職○諭嘉峪關外路多戈
壁從前並無水泉今年大兵經過鑿井之處俱得甘泉水勢騰涌
普濟軍行不特所渴駝馬汲飲有資卽往來商賈亦多利賴此實

神明贊佑所致昔年 皇祖用兵時地湧靈泉曾於托里地方建

廟以答神庥今卽照此例交該督敬謹建造該部遵行具議以聞

尋黃廷桂遵部議覆奏查嘉峪關外由安西至哈密中有得勝墩

地方係戈壁之首平坦空曠應於此擇爽塏處建壇且就近安西

歲時祭享亦便從之○停止河南本年漕運○壬辰以劉藻爲雲

南巡撫調富勒渾爲湖北布政使以杜官德爲浙江布政使吳嗣

爵爲江蘇按察使

由淮揚河道遷

○以傅靖爲雲南布政使

由浙江糧道遷

吳紹

詩爲雲南按察使

由貴州糧道遷

○甲午命河南疏濬溝塍代賑○乙未

命河南水災地方例賑折價外每石加銀一錢○免徵河南被災

地方本年漕項○永貴奏扎哈沁叛賊巴哈曼集恃險立寨副都

統額勒登額等雖收其牲畜一時不能攻取續經將軍兆惠派巴

圖魯侍衛奎瑪岱等分勦並令拏獲之厄魯特屬人持書諭降額

勒登額等將博囉通古之賊衆勦殺又問明拏獲之人係隨扎哈
沁收楞額占布前來見據山險因令持書往諭占布不從隨即覓
路逃竄又捉生訊問巴哈曼集同四得沁帶三百戶口越嶺而逃
至衛和勒津暫住欲往克喀特烏魯特等鄂拓克去隨派總管端
濟布接應奎瑪岱尋蹤追勦前行文將軍成袞扎布侍衛烏勒登
等協同截堵報聞○丙申諭向來直省遇有偏災本邑正佐不敷
分辦例委鄰封州縣及佐雜試用等官協同查辦原期體察周詳
勿致遺漏乃委員往往以例無處分事非切己不過扶同具結虛
應故事甚非差委本意委員既經派遣則承辦皆分內之事自應
與地方官功過一體嗣後委員內如有查災不據實結報辦賑不
實心揆查草率從事仍前玩忽者該督撫查明題參照地方官查
辦災賑不實一體處分著爲例○命江西北湖湖北酌撥糧石於河南

儲賑○丁酉命河南各關免徵米稅○戊戌諭翰林院所撰致仕大學士福敏碑文殊屬平庸浮泛明廷著作當以典雅親切爲尚若沿襲舊文虛詞敷衍易一姓名皆可通用矣向來翰林文字多有此病其在無可稱述之輩循例子卹者固亦無足深論至大學士福敏則朕受業之師也人品學問歸然爲國家者頃朕尙當親製碑文以光飾終之典詎可以雷同膚廓之語塞乃青耶謝墀卽未諳體裁該掌院蔣溥豈亦竟不留心閱視清文內繙譯更不成語德通所司何事蔣溥德通謝墀俱著交部察議○革原任河南巡撫圖爾炳阿職發往烏里雅蘇台軍營辦理糧餉事務○癸卯諭彭家屏前以收藏明末野史其有無批評之處已被伊子燒毀滅迹經軍機大臣會同九卿審擬斬決具奏朕以罪疑惟輕特降諭旨改爲監候秋後處決嗣據圖爾炳阿奏其所刻族譜取名大



彭統記甚屬狂妄等語因命新調巡撫胡寶瑔查取呈進則以大彭得姓之始本於黃帝昌意顓頊大氏族譜系士大夫家恆有之亦何至附會荒遠以爲迢迢華胄乃身爲臣庶而牽引上古得姓之初自居帝王苗裔其意阿居且以大彭統記命名尤屬悖謬不幾與累朝國號同一稱謂乎至閱其譜刻於乾隆甲子年而凡遇明神宗年號於朕御名皆不闕筆朕自卽位以來從未以犯朕御諱罪人但伊歷仕大員非新進小臣及草野樵陋者可比其心實不可問足見目無君上爲人類中所不容而前此之逆書天理昭彰不容其漏網明甚彭家屏原係應斬立決之犯卽秋審時亦必予勾著從寬免其肆市卽賜令自盡以爲人臣之負恩狂悖者戒○諭今日召見陳宏謀詢及各省水災據奏皆因上游爲衆水所匯而下游無所歸宿必當會同通盤籌辦方爲有益等語其言

頗中肯綮江南山東河南壤地相接數年以來頻罹水患而今年爲最朕早見及此於閏河時卽已諄切訓諭並分命欽差及督撫河臣相度籌辦而時已首夏不及措施設事者荆山橋上下百餘里及清河積水而已豫兗之境則被災之地較廣人戶田廬待撫恤者不下數十州縣南望爲之怒然傷懷轉瞬秋冬正工作可施之候若不先事而亟圖之徒坐視其年復一年橫流四出直至臨時張皇補苴何所底止耶山東之水匯於淮徐河南之水達於鳳潁該督撫等雖各守封疆要不得各分畛域況此嗷嗷災黎皆朕赤子大臣公忠體國之謂何而忽稍存分別之見乎在今日言之會三省之全局而川滄以疏之隄防以禦之工費誠屬浩繁然一舉而使千百里內之田疇民舍可以永獲安全則生民之利孰大於是卽多需帑金所不當惜況統屢年賑恤所用計之爲數果孰

多孰寡耶在國家禍福未嘗不動盈數百巨萬而小民已先受蕩
析之苦即使爲督撫者皆能體朕愛民之心耶縣之吏又悉良有
司撫恤極其周經理施其善而災黎所得日纔以什合計度命而
已何知無災而得中哉義積裕之爲能自樂其生耶且水旱旱
比赤地千里待澤上蒼非人力所及有吁嗟籲禱而已水則治之
專藉人工所難者治之當尋要項及任事當求忠貞勇壯之大臣
耳前曾以此語切傳諭尹繼善伊於地方情形非不熟悉其才力
亦非不能辦此特惜賢省事之資膠固於胸中而又惟恐辦之或
無成效動曰此處窪下卽治之亦不能保其不被水患夫治之而
仍受水患此皆未得治之之道耳豈終不可治耶乃以是藉口而
委之不治是正因噎而廢食矣爲地方興大利除大害詎可沾沾
爲一身功過計哉朕委任江蘇巡撫宏恩安徽巡撫高

晉山東巡撫鶴年河南巡撫胡寶琮等皆能任事之大臣所有三省積年被水之由應如何相度形勢從長計議俾可永弭水患之處著該撫等各於所屬境內悉心查勘仍復彼此會同詳籌妥辦侍郎襄曰修夢麟往來查閱隨時商酌其有應會兩總河者亦著會閱詳議陳宏謀著卽由河南歸德一路前赴蘇州沿途逐一先行審視與高晉等會奏請旨諸臣臆茲委寄務各矢實心和衷共濟以慰朕念切民依宵旰憂勞之至意尋夢麟尹繼善白鍾山稽璜陳宏謀等會奏通籌湖河宜導機宜竊惟淮徐海地方水患頻仍必須源委並治如山東與江南接壤之南陽昭陽微山等湖積水亟宜設法宣洩在山東見另行籌開伊家河至梁旺城入運江南運道各閘越河再加開展挑濬惟因沂水自盧口旁洩由沙家徐塘二口入運過多有阻微山湖水經行之路臣等親往會勘緣

舊壩口門寬至八十丈且年久刷深致多旁溢亟宜籌辦第沂水來源甚大未能遽行堵閉擬將石壩裹頭接長止留口門寬三十丈並築碎石壩底以爲節制使沂水過半歸湖止留二三分濟運但目下運河惟患壅滯無需接濟應於盧口接草壩將沂水堵截使不得入運其邳境沂河尙屬寬深酌加疏濬兩岸土堰培修使正流暢入駱馬湖由六塘河歸海俾連河宣洩微山湖水得以全力下注可望速消至荊山河原係宣洩湖水要路蒙指示於小梁山等處開挑引河並於荊山口上下及出水湖口再加疏濬務期暢流入運其彭家河另摺奏請開挑此籌酌微山等湖宜導入海之情形也又勘得六塘河處駱馬湖下游爲宣洩沂水要道駱馬湖尾閘有引河五道甚寬暢自引河以下匯爲一河形勢窄狹急宜開寬並將永濟橋酌添十二孔俾湖水暢注其六塘河內如有

淤淺及舊堰殘缺修浚培補又六塘河北岸宿遷境內凌溝地方向有水口注沐河入漣歸海盛漲時淹浸民田擬就見有河路開挑寬深仍於凌溝建滾壩又桃源境內有港河一道亦係分洩六塘河會沐入漣歸海年久淤淺應挑濬亦於河頭建築滾壩並將沐河舊堰修補使六塘河有分洩之支至六塘河下尾在海州地方與鹽河交匯由武障等何歸海口門間有淺阻俱加疏濬並將鹽河加挑寬深見有之洩水各歸減低二尺其例應商辦者仍歸商辦臣等派官監督其義澤河下游舊有小沖河一道應疏濬深通又東門白蜆牛墩六里等河由六道溝匯入北湖河與武障武澤同歸一路未免壅阻今查東門河下游見有五道河形應開挑俾下游多一入海之路此籌酌六塘河分導沂水入海之情形也再河南夏邑永城等縣之水向由睢河下注江南之泗山等湖經

安河入洪澤湖出清口會黃入海近多淤阻經臣裴曰修高晉會勘另摺奏請開濬內有烏鴉嶺安河董家溝等工係下江宿遷桃源所管見委員確估趕辦惟各水多歸洪澤則出口務須宣暢查清口之東水二壩業蒙指示汛前早行拆卸自當長遠遵守其裴家廠張福莊等處引河水落後如有淤淺前加疏濬此籌酌睢河入湖前湖水入海之情形也以上應開各河道或因舊河濬窄加挑寬深或因來源寬廣添籌去路皆係上接鄰省下鄰數郡之幹河所當首先興舉其餘一州一邑山泉坡水匯而成河者如碭山之利民溝永定溝豐縣之食城河蕭縣之歐邵河爛石河銅山之奎河房亭河睢甯之沈家河白山河邳州之武河燕子河艾山河宿遷之北岸民便河蔡家閘引河羅家河桃源之姜胡窪河清河縣之包家河民便郭家河周橋河山陽之十字河太平河烏沙河

安東之民便河舊鹽河旱甯之穿里河戴家溝河海州之高壩口王官口丁家溝等河沐陽之分水沙河以上均係支流見多淤墊臣等詳加斟酌有必須通身開挑者有止須開段疏濬者有添設閘洞者見督率道府帶熟諳人員分段確估與挑臣等往來督查限年內告成以期積水全消及時布種得旨覽奏頗得領要但須諸臣無分彼此和衷共濟以慰朕南顧之憂仍須實力督催不可草率塞責其共免之裘曰修胡寧琬等奏會勘豫省水道籌辦疏濬事宜查黃河以南鞏縣以上伊洛瀾澗俱入於黃無庸置議自榮澤以下北阻大隄南則連山橫互諸水所經惟以正東及東南兩面爲去路正東則上江宿州之睢河向因砂礮灘徐溪口等處梗塞致水無出路此商盧夏永四邑頻年被水之由也東南則以江南潁州府屬各州縣爲出路准之大本能宣洩而兩省接壤處

淺阻實多豫省之水壅遏則豫省受其患繼之奔潰四溢患且及上江矣此開陳迤下及於柘城鹿邑汝甯迤下及於西平上蔡頻年被水之由也今睢河沙礪一帶奏請興挑則東面之去路可冀無阻矣親臺一帶臣等會同安徽撫臣高晉與潁州各地方官細加審勘則東南一面之去路可冀無阻矣而後諸水之在中州者可得而治也臣等採訪相度惟有先開幹河爲受水之地繼開支河以引入幹河繼開溝洫以引入支河分別要工次工緩工爲興修次第東面之幹河在商邱則爲豐樂河在夏邑則爲響河在永城則爲巴河其實一河而旁受惠民溝畦鄰溝毛家河蚌龍溝歧河民便河諸水河身旣窄加以年久淤墊深不過四五尺此亟宜大加挑治者也東南一面之幹河以大沙河爲大卽古潁水也發源於汝州之魯山自許州陳州會東西兩蔡河經項城沈邱入江

南太和培長三百餘里河流深通無庸疏濬隄岸有殘缺處勘明補築其他則開封之賈魯河卽古之汴水發源於滎陽之大周山經鄴州中牟祥符至朱仙鎮由尉氏之夾河至扶溝受溱洧二水經西華合潁汝二水經商水縣逕周家口入於大沙河至潁州之太和境注於淮朱仙鎮以上無庸置議尉氏以下周家口以上則宜一律挑濬以廣爲宣洩者也又惠濟河則自中牟經祥符陳留杞縣睢州柘城鹿邑入亳州之懷家溜以達於淮杞縣以下淤阻尤甚此幹河之當濬者又其一又渦河則發源於通許之青岡至陳州爲燕城河受鐵裏河七里河舊黃河諸水亦經柘城鹿邑入亳州之安家溜以達於淮下游淤阻自鹿邑以上漫口甚多今歲受患尤甚此幹河之當濬者又其一懷家溜安家溜二處下有砂疆均須開鑿此外如永城之漕溝夏邑之毛家河小引溝觀音閣

引河白河三汭河虞城之惠民溝商邱之北沙河大澗溝鹿邑之清水河汝甯府之洪河汝河均有窄淺處亦難開濬至與上江接壤之三河尖兩河口茨河明河等處皆應兩省委員協辦挑河之土加幫隄岸仍於河身最窄不能開寬及沙鬆溜急之處普加夯硪以資捍禦臣胡寶瑑見委員分頭勘估迅速興工並審度地宜多設涵洞俾隄內之水外洩於河至舊有溝渠自應槩行疏治臣胡寶瑑更擬倣古溝洫之制多開橫直小溝作爲水道卽酌用民力咸所樂從其中儻有工費稍鉅請酌照疏消積水之例量給飯錢挖去地畝俟溝洫辦有成效覈實請豁又歸德所屬有遠年古窪原係豬水之區偶因水涸愚民占作地畝復因爭訟遂報升科其實歲歲被災無可疏治臣等擬仍捐爲豬水之區見飭該府縣查明課則詳覈清豁臣等通盤籌算由引河以達於支河由支河

以達於幹河其不能開河者於田間多作溝渠以爲導引或窪地聽爲數澤以資停蓄總使源源之水順下無阻而野潦亦有所約東不致漫溢則一切水道治矣所有籌辦緣由見移咨侍郎夢麟暨江南山東督撫河臣再加確覈臣胡寶琛卽督飭委員速估造冊另行繪圖貼說具奏得旨好如所議速行務在明年雨行之前畢工方妥仍應爲之以實不然責有攸歸又奏臣等酌議幹河列爲要工支河引河爲次工溝渠爲緩功要功於歲內全完次工於來歲四月報竣緩工則陸續辦理以一歲爲期至有下游應須先辦雖支河引河仍應列爲要工者俟統估冊內聲明得旨此不然以一歲爲期明年雨行豈不仍泛漲乎當於要工完後卽從事方妥○丙午諭尹繼善奏酌籌沛縣疏洩事宜一摺內稱山東湖口閘與韓莊閘相近雖爲蓄水濟運實亦洩水尾閘而該閘僅洩丈